

URTEAN ZEHARREKO XXIV. DOMEKEA - B

SARRERAKO OHARKIZUNA

Egun on guztioi:

Geure barrura begiratzen badogu, ikusiko dogu gure bizitzan danetik dagoala: pozak eta samintasunak, gauzek ondo urteten deuskuen egunak, eta danak txarto urteten deuskun egunak, ustebako jazoerak... Jesusen bizitzan ere danetik egon zan. Otoitzaldi honetan, geuk bizi dogun guztia Jesusen aurrera ekarri daigun eta Beragandik ikasiko dogu bizitza sakontasunez eta maitasunez bizi izaten.

Gaur, Bilboko katedralean Gorka, Juan eta Marco abade egingo dira. Otoitz egingo dogu euren alde eta euren ministerioaren alde.

Inguruan ditugun neba-arrebakin alkartuta, hurreratu gaitezan Jaunagana.

GOAZEN ALKARTURIK biztuta fedea
argitan zabalik maitasun bidea.

*¹ Entzun dezagun apaltasunez
entzun dezagun Jaunaren hitza
Bere hitzetan gure egia
gure indarra gure bizia.*

*² Gurekin dogu maisu ta lagun
gurekin dogu, gurekin, Jauna!
Egin dezagun zuzentasunez
ta maitasunez bere esana!*

DAMU-OTOITZA

Senideok: gure pentsakerea eta Jaunarena sarritan ez dira bardinak. Gure eguneroko jokabidea ere askotan ez da bat etorten fedeak eskatzen deuskunagaz. Autortu daigun apaltasunez geure pekatua eta eskatu daigun Jaunaren parkamena:

—Jesus Jauna, gugaitik oinazetan bizia emon dozuna. ERRUKI, JAUNA.

—Jesus Jauna, zure heriotza eta biztueraz sal**ba**u gaituzuna. KRISTO, ERRUKI.

—Jesus Jauna, gure anai-arreben zerbitzuan ikusi nahi gaituzuna. ERRUKI, JAUNA.

HITZAREN LITURGIA


Is 50, 5-9a:

Orain entzungo dogun Isaiasen profezia hau Jaunaren Nekaldian bete zan. Gaurko ebanjelioan, Jesusek, Berak sufridu behar dauan nekaldi horren barri emongo deusku.

Erantzun-Salmoa: 114. Salmoa

Gure salbamena Jaunagan dago. Horregaitik pozezko eta itxaropenezko salmoa abestuko dogu eta bere bideetan ibiltearen guraria adierazoko.

UZ24B – Sal 114 Udaia'21



R/. I - bi - li - ko naz Jau - na - ren au - rre - an, bi - zi - du - nen lu - rral - de - an.

Maite **dot** Jauna,
entzun dau-eta nire erregu-**oi**hua,
makurtu dau-eta nigana bel**ar**ria,
dei egin deusadan eg**u**nean. R/.

Heriotza-lokarriek inguratu **nin**duen,
Herio-lezako sareak harrapatu; estu eta **larri**
nintzan.

Baina dei egin neutsan Jaunaren **izen**ari:
«Arren, Jauna, atara nagiz**u** onik». R/.

Errukiorra eta zintzoa **da** Jauna,
 onbera gure **Jain**koa.
 Jaunak zaintzen ditu **a**palak;
 lur jota nengoan, eta sal**ba**tu nau. R/.


Bai, libratu deust bizia heri**ot**zatik,
 begiak malkotik, oinak **jaus**tetik.
 Jaunaren aurrean ibi**li**ko naz
 bizidunen lur**ra**ldean. R/.

St 2, 14-18:

Benetako fedea, bizirik dagoan fedea, ekintzetan
 agertzen dala gogoratuko deusku Santiago apostoluak,
 bigarren irakurgai honetan.

Mk 8, 27-35:

Salbamena lortzeko, sufrimentuaren bidea jarraitu
 behar dala ulertzea eta onartzea kosta egiten jaku;
 apostoluei ere horixe berori jazoten jaken: ezin eben
 ulertu Jesusek nekalditik igaro behar ebana. Prestau
 gaitzan ebanjelioa entzuteko, "*Aleluia*" abestuz.



Jainkoak libratu nagiala harrotzetik,
 gure Jaunaren kurutzean izan ezik,
 kurutze horri esker,
 mundua hilda dago-eta niretzat eta ni munduarentzat.
 R/.

JAINKO HERRIAREN OTOITZA

Senideok: egin deiogun otoitz gizon-emakume guztien Aita dan Jaungoikoari, Jesukristo bitarteko dogula:

—Eleizearen alde: berak egiten dauan Ebanjelioaren iragarpenari, maitasun, bake eta zuzentasun ekintzak lagundu deioen beti, *eskatzen deutsugu, Jauna*.

R/. ZEUGAN DOGU USTE ONA.

—Ikasturte barri baten hasieran aurkitzen gara: txiki eta handi, bakotxari dagokiguna ondo eginez, mundu zuzenago eta solidarioago baten alde jokatu daigun...

—Etorkinen alde, euren bizi egarria asetzeko, gure artean solidaritza aurkitu daien...

—Hemen alkartu garanon alde: Kristo berbirtua geure artean sumatu daigula, bere heriotzan eta bizian bat egin, eta sinisten doguna gure ekintzakaz agertu daigula...

Gure Jaun eta Jaungoikoa, zeure seme-alaba egin gaituzu maitasun handiz; onartu gure eskariak eta emon, arren, behar ditugun ondasunak. Jesu Kristo gure Jaunaren bitartez. Amen.

JAUNARTZEAN

ZU GABE, JESUS, NORA joango gara gu?
Zuk betiko bizitzako hitzak, Jauna, dituzu.

¹ *Zu gure maisu zaitugu, zu gure gidari
zure hitza guretzat indar eta argi.*

² *Maitasunezkoa dogu, Jauna, zure hitza
Zu zaitugu egia, bidea, bizia!*

AZKEN AGURRA

Urten daigun Eleizatik Jesusen bidea jarraitzeko

gogo sendoaz eta gure ekintzakin fedearen testigu izan
gaitezala gure gizartean.

JESUS MUNDUKO ARGIA

Jesus zinezko egia. Jesus betiko bizia.

*¹ Jesus Jainko gizona Zuri gure bizia
hartu gure Jaun ona gu garean guztia.*

*² Gure bihotz barruan biztu zure argia
gaitezen gu munduan argi Jainkoz betia.*